


*Ad*  
**ILLUSTRISSIMUM**  
**LIB. BAR.**  
**HENRICUM A FRISEN**  
**JUNIOREM**  
**DISSERTATIO HISTORICA,**  
*quædam*  
**CAPITA**


# Historiæ Saxonicæ

continens,

*Quibus*  
**COMMENTATIONES**  
**in vitam ALBERTI animosi**  
nuper concinnatæ paulò illustrantur.,  
**CONRADI SAMUELIS**  
**SCHURZFLEISCH.**



**WITTEBERGÆ,**  
Literis MATTHÆI HENCKELII, Acad. Typogr.  
**ANNO M. DC. LXXVI.**



*ILLUSTRISSIMO & GENEROSISSIMO*  
*DOMINO*

**DN. HENRICO**

**JUNIORI**

**LIB. BAR. A FRISEN,**

**DYNASTÆ IN SCHÖNFELD,**

**PÜZKAU, GRAUPA & JESSEN,**

**&c. &c.**

*DOMINO MEIO GRATIO-*  
*SISSIMO.*

*ILLUSTRISIME ac GENEROSISIME  
BARO,*

*DOMINE GRATIOSISIME.*

**T**ertius annus est, quòd incitatæ  
tuæ ad gloriam indolis recor-  
dor, & magnopere gaudeo, ta-  
le mihi tunc abs te datum esse  
studiorum specimen, ut cum ætatem tuam  
maximè deceret, tum laudi tuæ gentis ex-  
pectationiq; PARENTIS ILLUSTRIS-  
SIMI ex assè conveniret. Nam vix ex e-  
phebis excesseras, quùm promptè dicebas  
ac eleganter, & vim genusque verborum  
æqvabile & pulchrum serabas, nec minùs  
præcepta de moribus, quàm sententias ve-  
terum, plenas sapientiæ & gravitatis, ani-  
mo atq; memoriâ tenebas. Pari studio exem-  
pla

pla ad rempublicam utilisimam capiebas, & historiam, non vulgare quidem, cujus haud magnus in vita est usus, sed seriam illam, & tractandis negotiis idoneam tam egregie percallebas, ut vix æquè possent, qui longo usu exercitationeque didicissent. Illud verò cum primis delectabat me atque recreabat, quòd vim atque facultatem ingenii tui, quod certè tibi capacissimum contigit, domesticis quoque monumentis illustrares, rerumque patriarum exactam atque interiorem notitiam diligentissimè tibi comparares: adeò ut hæc laus, quâ te singulariter ornas, jure quodam stirpi tuæ debeatur. Cujus quanta sunt merita, nec assequi ego, nec disertissimus sat laudare potest. Nisi quòd existimo, mihi sufficere, si de tanta felicitate tibi possum gratulari, & voto meo consequi, ut hoc decus, quod illustrissimæ Familiæ tuæ tributum est, in te atque

que posteris perpetuum sit atque sempiternum. Equidem hæc spes mihi cum omnibus est communis, qui & Nomen tuum unice in oculis ferunt, & virtutes admirantur, optantes, ut Divini AVUM meritis, & PATREM prudentiâ exæques, ac per te nixus, in altissimum reipublicæ gradum feliciter eveharis. Sicut enim nostri ævi interest, florere FRISIOS, ita ad sequentis dignitatem pertinet, te tantæ laudis & famæ hæredem, diu esse reipublicæ superstitem, & partum decus continuare in posteris, ac benignè tutari literas & complecti. Eò minùs dubito, quin hunc meum conatum approbes, & pietatis partes explenti faveas, studiaq; augeas simul atque ornes. Wittebergæ Eid. Jan. A. cIo Ioc LXXVI:

ILLUSTRISSIMI NOMINIS

atq; EXCELSÆ VIRTUTIS TUE

Devotissimus Client

CONRADUS SAMUEL SCHURZFLEISCH.



**G**ERMANI prius bello, quàm  
literis floruerunt, & postquam his  
etiam ornare se atque instruere  
coeperunt, non tamen omnes  
æqualiter, nec uno eodemque  
tempore insigne hoc perpetuumque ingenii  
decus sibi compararunt. Prisca enim illa  
gens, contenta rebus, quas ratio haudquaquam  
excultissima præscripserat, fretaque militarium  
exercitatione virtutum longissimè à studiis sa-  
pientiæ se disjungebat, & multò antè rectis mo-  
ribus honestaque consuetudine, quàm legibus  
utebatur. \* Postea sensim erudita est liberali-  
bus artibus, & æternum præpotensque Numen  
religiosè coluit, atque summum pietatis indu-  
striæque fructum cepit, quoad in ea doctrina di-  
sciplinaque sanctissima perseveravit. \*\* Ea ve-

A 2

rò

\* Tacitus German. cap. 19. idem de Gotbis dicitur apud Isidorum  
Chron. Gotb. Era D llll.

\* \* Irenæus Polycarpi discipulus adversus hæreses, lib. 1.

cap. 3. à quo memorantur *αἱ ἐν Γερμανίᾳ ἰδρυμέναι ἐκ-  
κλησίαι* (Ecclesie in Germania constituta) consensit Tertullianus,  
primus inter Latinos patres scriptor, qui cum Irenaeo ex II. seculo in  
III. initia se porrigit, libro adv. Judaeos cap. 7. Non ea Germania no-  
tione, quā magna sive trans-rhenana, quā tunc planē barbara fuit,  
Et recondita litteras religionemq; veram ignoravit, comprehenditur,  
sed quā figurā quādam loquendi tantū denotatur Germania Cu-  
rhenana, Romanisq; obnoxia (unde & Germania Romana nomina-  
tur, ut à barbara, & quā trans-rhenum iacet, distinguitur) & ad O-  
rientem sita, propter quā causam sequioribus temporibus capit ap-  
pellari regnum Orientale sive Austria, non ejus, quā Ungaris adhuc  
barbaris crepta, quāq; olim Ducatus Norici clientelarius fuit, Goss-  
frid. Piterbiensis Chron. part. 17. p. 471. Frisingens. Chron. lib. 6. c.  
15. Otto Sanblas. cap. 6. sed quā paulo nomine producta Austrasia  
alias, ac a vo Carolovingico regnum Lotbariense dicta est, Otto Fri-  
sing. chr. lib. 6. cap. 1. ex quo corrigenda est gentologia B. Annulphii,  
cujus auctor à Lothario imperatore censet esse distam. p. 220.

rò laus primò duntaxat ad eos pertinuit, qui  
Cisrhenanas Germaniæ oras, quondam Galliæ  
attributas, & Belgicam I. Rhætiāqve II. No-  
rico finitimam incoluerunt, & animos ad ar-  
ma pariter atqve sacra promptos habuerunt.  
Haud faciliè quisquam dubitat, eorum nume-  
ro fuisse Maguntiacenses, Argentoratenses,  
Vangiones, Nemetes, Ubios, Tungros, Trevi-  
ros, partemqve Alemannorum. \*\*\* Serius e-

\*\*\* Alemannos, quos nullo certo loco habitasse, auctor est  
Gaspar Barthius, animad. in Guic. Brit. lib. 1. 147. Arnobius, cum  
scriberet, contra gentes, affirmavit, institutos esse ad celestem cultum,

non



non universos atque singulos, de quibus id nemo nisi ineptissime dixit, sed qui in Gallia Belgica solo ad sinistram Rheni ripam, ac Danaviū inter atque Lyem habitabant. Quo tempore Alemannos non desisse esse Germanos, fidem sanè facit *El. Vopiscus in Proculo*. Sed quo auctore primò Germania allatum sit religionis lumen, nunc non inquiri, neque ignoro tamen, *Crescentio & Materno* id ferri acceptum, apud *Gasp. Bruschium* de German. episcopat. *Petrus Merksaum* in *Archiepiscop. Mog. & Colon. Chronicon Nussense* à principio, *Arnoldus Meibovius* de orig. & progressu desect. *Hermani Archiep. Colon. De Treveris*, apud quos Imperatorum Græco-Romanorum domicilium & numaria officina fuit, vid. *Johannes Sebeckmannus*, atq; ex eo *Guil. Kyriander* comment. de Aug. Trepid. part. 3. Cætera antiquitas, & Germania Cisrhenana Belgicæque partitio, & cognitio populorum, qui illic coluerunt, repetenda est ex *Ammiano Marcellino*, scriptore cordato, & versato in iis locis, hist. lib. 15. p. 100. edit. Boxh. Post quem *Notitia Provinciarum Gallie* in lucem exiit, quam non dubio *Hieronimo* esse lectam, argumento eruditarum de occupata à barbaris Gallia commentationum, quarum dum in mentem mihi venit, vel sola nunc sufficiat ejus epistola II. Quod multum abest, quo minus de *Irenæo*, Episcopo Lugdunensi dicam, cum illo ævo nondum existeret *Notitia*, etsi summo viro *Josepho Scaligero* videatur, eam jam tum ætate *Augusti* imperatoris Romanorum fuisse conscriptam. Tantū addo de *Argentoratensibus*, qui Germania I. finibus includuntur, medio ævo *Strazburgenses*, corruptè *Argentinenses* vocari. Vid. *Annales Pùbœcan. an. 842.* (confer. *Itinerarium Antonini*, quod merito laudas *Ricciolus Geograph. p. 53.* (dubitæ autem sine causa de ejus fide *Petrus Bivani Gall. Belg. Tit. p. 357. 359.*) & *Notitia* paulo antè allegata.

nim Burgundiones, \*\*\* postqve hos Franci, ac transrhenani omnes ab ea caligine tene-

\*\*\* *Paulus Orosius hist. lib. 7. c. 32.* A quo in ratione temporum dissidens *Socrates*, & supplementum *historia Eutropiana*, quibus adjungatur, *Cassiodorus Chronicon Valentiniano*: inter recentiores *Johann.*

nec Gabriel Bisciola, ep. annal. Eccles. t. 1. p. 482. Sed quemadmodum Burgundica Clothildis (alius Crotbildis) studuerit Francos à superstitione ad verum Dei cultum revocare, præclare explicavit Gregorius Turonensis, cujus antiquissima editio est Ascensiana, histor. lib. 2. cap. 30. Nam postquam Clothildis, Chilperici Burgundionum regis filia, Clodoveo cognomine magni illustrato, tunc à Christianis ceremoniis alieno, eâ lege nupsit, ut sua sibi sacra liberè exercenda maritus permitteret, eum subinde monere cepit atque obsecrare, uti suscipere partes ac religionem suam: cujus moniti dum prælum cum Alemannis commissurus opportunè recordaretur, in summo pugna discrimine rex voto se obstrinxit amplectenda religioni Christiana, si prosperè caderet consilium, victoriamq; obtineret. Quod cum ipsi veniret usu, professus est se Christianum, & voluit sacro fonte intingi, quo munere perfunctus est Remigius, Remorum Archiepiscopus, Turonensis lib. 2. cap. 31. cum quo conf. Chronicon Carnutense anonymi, ex eoq; Johannes Tilius comment. de reb. Gall. lib. 1. in Clodoveo I. Non est, ut hic coarguatur fabula, quam Hincmarus Remorum avo Carlingico Archiepiscopus, aliquot post Remigium seculis tradidit, ignotam temporum Merovingicorum scriptoribus, ignotam Turonensi, alioqui in fabulas prætoriori, & veris monumentis in solidum contrariam: Haud dubiè affectatione quadam singularis dignitatis, quæ eo pacto Ecclesie Remensi accessura esset, consiliam. Conf. Jo. Jac. Chiffletius disquisit. de ampulla Remensi.

brisq; emerferunt, & alii post alios in unum nomen societatemque cum populo Christi coaluerunt. Burgundionum recordatio eò mihi nunc sanè est jucundior, quod pro ea necessitudine, quæ Clothildis Francorum genti conjuncta erat, religioni proferendæ, quam posset, operam navaret, magnopereque cuperet, &horta-

hortaretur Clodovæum, daret Christo nomen,  
& verâ pietate mansuetudineq; imbui sese pa-  
teretur. Quod postea ex Clothildis sententia  
factum est, quàm Clodovæus expectatione vo-  
ti, quo se contra Alemannos pugnans obliga-  
verat, minimè frustratus, prosperam spei præ-  
liique exitum comperit, eaqve adeò ipsi causa  
fuit, cur dignum religione animum profiteretur.  
A quo tempore Franci, quibus Clodo-  
væus illustre exemplum tradidit, perpetuâ serie  
reges Christianos habuerunt, & summo studio  
pietateqve venerati Deum, sanctissimæ posses-  
sionem doctrinæ constanter retinuerunt. Nisi  
quòd ea diligentia, regnante Clothario III. ob-  
solevit ferme ac evanuit, cum regibus in luxum  
versis, foedi mores incescerent animos, & lite-  
ras religionemqve foedarent. Donec Caro-  
lovingi regnum sociâ prostratum pænè  
ac percussum instaurarent, & Saxones, indo-  
mitos ante populos armis mitigarent, & vitam  
moresq; eorum Christiano ritu fingerent atq;  
expolirent. \*\*\*\*\* Cujus rei memoriam con-

\*\*\*\*\* *V. annal. Franc. an. 785. annal. Pich. Adel-*

*1111*

*mus Benedictinus an. eodem : Eginhartus de vita Carol. M. cap. 7. Diploma Ecclesia Osnabrugensi anno DCCCIV. concessum, in quo primordia Saxonia politioribus literis excolta inueniuntur, & prisca commutationem moris asstimantur merito & miramur. - Præterquam autem quod seriò diligenterq; Græcam Latinamque linguas ibi doceri voluit iussitque, incubuit etiam in ornandam linguam Germanicam, cujus forma literarum jam antea quidem extabant, ut legenti historiam Turonensis licet observare, lib. 8. cap. 45. sed opera institutæque Caroli M. plus nitore ornamentique præcipuè ejus apì accessit. Quod induxit Alcuinum, ut eum Grammatica doctorem artis appellaret. Conf. Urspergensis, qui commemorat inchoasse Grammaticam patrii (Franco-Teutonici) sermonis, quod ex eo cum aliis repetit Abbas Stadenfis. Caterum diplomata, quæ sermone Teutonico scripta ejus nomine titulosq; circumferantur, nullum præsidium habent veritatis apud viros antiquitatis & veteris Franco-Carolingica reip. intelligentes. Ac primū eorū, quod verum quidem atq; incorruptum ego viderim, character Germanico exaratum an. M CC XXXI. promulgavit Fridericus II Imp. quod rectè & instrumento pragmatico, quod hodieq; superat, convenienter signavit Gothfridus Monachus annal. ad d. an. Ut verò non sit consentaneum, quod tradidit Joach. Curavi, primum hujus scriptionis Germanica usum imperantis Carolo IV. capisse, annal. Siles. pag. 311. Quamquam non ignoro, eas tabulas, quæ vulgò matricula imperii nominantur, vix reperiri antiquiores, quàm quæ anno M CCC XXXI. Norimberga emisse sunt in lucem. Certe enim nec antiquiores perquirere potuit Melch. Goldastus, de regn. Bob. lib. 2. cap. 17. Nil hic addo de origine & primis sedibus Francorum, de quibus vid. Trebellius Pollio in duobus Gallienis, post hunc Flavius Vopiscus in Aureliano, Ammianus Marcellinus, Juliani imp. miles, & Francia cum primis gnarus, lib. 17. qui prodis, etiam Salios fuisse appellatos, quod nomen undenam impostum fuerit, valde inter se disceptant scriptores, V. Jo. Tilius de reb. Gall. lib. 1. p. 8. Jo. Jacob. Chiffletius vind. Hispan. c. 5. Aub. Miræus annal. Belg. p. 52. Quod etsi nunc persæqui mihi non est propositum, tamen colligo ex indubitatis monumentis, primas eorum sedes fuisse in ora inferiori trans-rhenana, V. Procopius*

*ropius Gotib. 1. Greg. Turon. l. 2. cap. 31. ubi Clodoveus dictus est Sicamber, neminem autem fugit, Sicambros soluisse tractum inferiorem transbenanum, quod vel Sidonius epigr. ad Majorian. posuit indicare. Affirmat sane Johannes Trithemius, Francorum reges antiquitus in Tungrorum (quos vulgò cum Turingis confundunt) finibus habitasse, compend. annal. pag. 27. Postea autem mutarunt sedes, & Galliam, Romanis ejectis, subegerunt, regionesq; ad superiorem Rheni ripam sitas, ac à Mæno ad Unstrutum porrectas possederunt, in indicio natalis Caroli M. quem diploma Fuldense à Christophoro Brovero evulgatum memorat prope Unstrutum fuisse.*

servant annales, & mutatam in melius Saxonix faciem veris auctoribus confirmant, usque eò, ut collapsis Carolovingorum rebus, Saxonix Principes ad libertatem excitati, eandem viam insisterent, & non magis de republica, quàm cultu ingeniorum cogitarent, atq; hunc Albi tractum, quem etiamnum colimus, Soraborum dominatione oppressum, suâ & imperii causa in libertatem vindicarent. Etenim plures, quàm septingenti anni jam tùm elapsi sunt, quùm Augusti Ottones, \*\*\*\*\* orti

\*\*\*\*\* *Helmoldus Chron. Slav. lib. 1. cap. 88. has terras, inquit, Saxones olim inhabitasse feruntur, tempore scilicet Ottonum, ut videri potest in antiquis aggeribus, qui congesti fuerant super ripas Albix in terra palustri Balsamorum, sed prævalentibus postmodum Slavis, Saxones occisi, & terra à Slavis usq; ad nostra tempora possessa. Describit enim terram Albi irriguam, & à Marchia, quæ in ditione Marchionis Alberti Ursi Saxonia ducatum tunc affertantis*

B

erat,

erat, usq; huc porrectam, & coloniâ Belgicâ, quæ adjacentes huic oppido vicos implevit, nobilitatam, ut eodem loco asseverat Helmodus, scriptor præclarus ac diligens, & quod rei caput est, testis oculatus. Non aliter ea de Belgarum in has oras prosectorum colonia commentati sunt Janus Doufa, Nobilis Belga, annal. Holland. lib. 8. p. 265. Petrus Bertius Comment. German. lib. 2. c. 12. Ludovicus Persona patriâ Wittebergenfis, professione Jurisconsultus, in oratione de Witteberga an. 1598. habita, & an. post 1603. prælo exensa, ac Goldasto cum primis laudatâ, quippe quâ de antiquitate oppidi patrii bene est meritus, nisi quod incautè in eadem scripsit, Duces Saxonie atq; Electores Witteberga investituram (juris inaugurationem beneficiarii) accipere ab Episcopis Bambergensibus. Non enim ab Henrico II. castrû electorale ipsum, quod dicitur Witteberga, Episcopo Bambergensi lege beneficiaria obnoxii reddi potuit, cum vera atq; indubitata ejus oppidi origines non antè cæperint, quàm cum Ducibus Ascaniis, qui Slavos, nominatim Sorabos, quos intelligis etiam dicto loco Helmodus, post tempora Ottonum, Wittikindea gentiû Imperatorum, inter tractum Albis & Salarum potitos, ex his finibus exegerunt atq; deleverunt. Ego enim Carolingorum, quo floruit Widekindus M. neg; Saxonia, neg; Soraborum regio urbes habuit, quod verissimis monumentis potest demonstrari, ac impostum debet, ut inter historiam, & leves conjecturas ingeniiq; lusus discernatur. Cujusmodi inveniuntur apud Pirckheimerum, virum alioq; doctum, & Matthesium, qui vulgò non impie quidem, sed non eruditè vicorum circumjacentium nomina ex Palastina adferunt, & frigida, cum de historia agitur, accommodationis exemplum produnt. Illud verò est extra omnem controversiam, nomina Nimeck, Bruck, Ipern, & similia ab advenis Belgis esse imposta, neg; vanè docent Persona, & Balthasar Mencius in orig. & stemmat. Ducum Sax. in Kemberga conservari hodieq; memoriâ Kamerici (Kamerick) facta, ut sæpe aliàs observavimus, literarum commutatione. Præterea vetus Flemingie nomen, quod etiamnum in vicinia superest, traductam illam ex Belgica coloniam ab oblivione potest vindicare. V. Helmodus d. l. In reliqua hujus argumenti parte, quæ Witteberga antiquitas porrigitur ultra Ascanios, ingenue Georgius Fabricius, ab incomparabili historico Caspare Peucero doctrina rerum Ascaniarum, in quâ iste quidem præ omnibus Saxonia scri-

*scriptoribus excelebat, imbutus conficitur, non constare sibi, à quo Witteberga adificata fuerit, scire tamen, ante Friderici Anobarbi temporu nullo monumento, nullis tabulis, nullo codice commemorari Wittebergam, Saxon. illustr. lib. 9. p. 114. Quod sanè verum est, omnibusq; notum, qui accuratas historia rationes tenent, neq; dissimulat Persona, opiniones, quæ in eam rem adferuntur, certis historia fundamentis non esse innixas. Neg; ad presidium hujus causa valet Hermannus, quem allegat Franc. Irenicus Germ. exeg. lib. 12. col. 227. Id verò citra ullam dubitationem ex dictis sequitur, Wittebergam, quæ avo Henrici sancti nondum condita fuit, non potuisse jure beneficiario Antistiti Bambergensi devinciri, cò magis, quòd ne tunc quidem ullus in Germania electoratus fuit, atq; adeò Witteberga, si maxime etiam tunc fuisset, non potuit esse civitas electoralis. Tum verò officia imperialia, quæ longè pòst institutis electoratus accesserunt, non sunt confundenda cum territoriis, propter quæ conveniunt, & in quibus hærent ipsa ac fundantur. Neg; sum nescius, veris monumentis non posse probari, quòd Electores auspicio Henrici imp. beneficiario officiorum nexu (nam de electoratus per se res est manifesta) Ecclesia Bambergensi obligentur.*

stirpe VVittekindi Principes superiorem Albis provinciam nominis rerumq; gestarum famâ impleverunt, & Saxonum velut per coloniam huc missorum habitatione insignem, aggeribusq; validam reddiderunt. Quorum posteris hæredibusq; vitâ functis, in universo Saxonix Ducatu succedere Billingani: partem enim, quæ cis Albim inferius jacet, & eam, quæ trans Albim ad Eidoram usque porrigitur, du-

dum ab Ottone M. Hermannus † ejus conditor stirpis acceperat, Princeps belli artibus præclare cognitus atqve illustratus. Billingos, quibus hoc nomen decusq; additum ab Hermannus est, excepit Lotharius II. genere Supplinburgius, beneficio Henrici V. Saliqvorū ultimi novā dignitate tituloq; auctus, & ob egregia erga ipsum remq; publicam merita Dux Saxonie inauguratus, qui postquam dignitatis augustæ particeps est factus, Henricum Catuli filium, stirpe Guelfum ††, quem posteritas superbi cognomine distinxit, in ordinem Ducum allegit, & in Saxonie possessionem misit,  
ac

† *Witichind. Corbej. annal. Sax. 1. p. 16. Adamus Bremensis lib. 2. hist. Eccles. cap. 4. qui cum vehebementer laudat, nisi quod perperam tradit, obscuro loco fuisse natum. Quod secutus est Abbas Stadenfis. Is Luneburgi sedem habuit, arce ibi ab se condita celebris, fuitq; in ejus ditione Saxonia transalbina, tractus autem Wittebergensis à Sorabis repurgatus cum cetera Saxonia ab Ottone I. Imp. qui Hermannum creavit Ducem, est retentus, Cranzius Saxon. lib. 4. cap. 16. Ineptiunt autem, qui arbitrantur, hunc primum fuisse Saxonie Ducem.*

†† *Helmoldus Chr. Slav. lib. 1. cap. 35. Albertus Stadenfis an. 1136. Comitatus Nordalbingie attributus est Adolpho Schowenburgico, Helmold. eodem lib. cap. 36. Quo pacto Saxonia inferior cis- & transalbina, quæ sub Billingis juncta erant, postea sunt divisa.*



ac sancto solenniq; ritu confirmavit. Cujus  
 filius, Leonis nomine paslim dictus †††, tan-  
 tam potentiae fortitudinisq; opinionem sibi  
 conciliavit, ut omnium animos futurorum  
 eventuum expectatione suspensos teneret, im-  
 peratoriq; Ænobarbo suspectus post fieret, at-  
 que tam invisus, ut judicaretur excidisse jure di-  
 gnitateq; Ducis, & publicâ proscriptione mul-  
 taretur ††††. Quibus rebus Saxoniae Duca-  
 tum permissu ac beneficio Ænobarbi consecuti  
 sunt Ascanii, & Sorabos, vario contumaciq;  
 ingenio populum, ex terris his cis & trans Albim  
 sitis expulerunt, ac ut auctor est Helmoldus,  
 Belgas à Mosa Rhenoq; accitos, in hæc saltuo-  
 sa irriguaq; loca receperunt, qui prompti & fræ-  
 quentes adventarunt, terrasq; suas sub id tempus  
 Oceani eluvione merfas cum vicino agro vi-  
 cisq;

B 3

††† In *historia Henrici Leonis* vid. *Monachus Weingartensis de Guelphis*, *Gerhardus Præpositus Siederburgensis de Henrico Leone*, *Reicherspergensis Chr. ab an. 1156. Alb. Cranzius Sax. lib. 6. cap. 10. 35. seq. Historia Agilolfingica Bucelini p. 414. conf. diss. finiente anno 1675. de Henrico Leone habita.*

†††† *Otto de S. Blasio cap. 24. Arnold. Lub. Chr. Slav. lib. 2. cap. 24.*

cisq; proximis commutârunt, & plerisque nomina, qvæ ad hunc usque diem usu & sermone hominum firmata retinent, imposuerunt. Qvod eò minùs prætermittendum fuit, qvia hujus laudis navatæq; operæ initium ad Albertum Urfum pertinet, qvi præterquam qvòd hanc provinciam, qvam Conradi III. Cæs. †††† concessione belliq; titulo adeptus fuerat, nova colonia replevit, viam quoque ad Saxonix Ducatum affectabat, qvem primò ejus Filius Bernhardus auspikatò obtinuit, & sedem atqve domicilium in hoc loco collocavit, oppidumq; hoc condidit, & aulæ gloriâ auxit, Princeps gente, animo, factis maximus, & Friderici Æniobarbi socius adjutorq; multis magnisq; rebus clarus atqve celebratus. Anni enim sunt quadringenti nonaginta quinque, cum Æno-barbus de communi Principum consilio atqve sententia in Comitiis Herbipolensibus statueret, Leonis audaciam legibus esse coërcendam, & hoc unum in graveſcentibus malis atqve publicis

†††† *Helmold. Cbr. Slav. l. 1. cap. 54. & supra alleg. cap. 88. Dodechini app. an. 1139.*

blicis turbis remedium fore, ut Leo perduellionis damnaretur, & Bajoariæ pariter ac Saxoniarum Ducatu privaretur. Quapropter instructa accusatio est, Leonem fiducia virium elatum, & tot ac tantis Principatibus innixum, non permansisse in Imperatoris fide, & leges judiciaque simul contempsisse atque violasse. Nec profecto planè innoxius Leo fuit, & Ænobarbus ejus opprimendi quæsitam multò ante occasionem libentissimè arripuit, cujus acerbitas atque capitale odium in posteris non inultum fuit. Atqui verò hæc materia crescendi suppeditata est Bernhardo, nepoti Ottonis Ascanii, atque Eilikes \*, filiarum Magni, ultimi Billingorum, qui Saxoniarum cum civili imperio præfuerant, Ducis. In quo curriculo gloriæ altiorisque partæ dignitatis ita versatus est Bernhardus, ut neque deflecteret temere, & majoris accessione honoris, novorumque rutæ insignium, & proprio ac perpetuo officio munereque Præfecti Prætorio atque Archimareschalli, ut nominant, ornaretur.

Quod

\* *Abb. Stadenf. an. 1137. Meibom. vind. Billing. p. 305.*

Quod non fortunâ magis , quàm prudentia  
 consilioq; est consecutus, & sedem hic atq; do-  
 micilium primus habuit, & quicquid usq;vâ  
 egregium reperire potuit, huc transtulit, atq;ve  
 Lovvenburgum Saxoniae transalbinæ oppi-  
 dum, quod deleverat Leo, à ruinis instauravit  
 quidem, sed VVittebergam duntaxat nostram  
 aulâ excoluit, & præcipuè amavit, atq;ve præ-  
 sentiâ suâ nobilitavit. Ejus filius Albertus I.  
 non minori vigore animi res gesit maximas,  
 & eo loco numeroq; fuit, ut Friderico II. Con-  
 radoq;ve III. extinctis, cum res ubiq;ve specta-  
 ret ad motum, & Germania infelici interregno  
 conflictaretur, forti animo sustineret invidiam,  
 & componendæ pacis causa primus cum pau-  
 cis crearet Cæsarem, \* & Septemvirûm ordini  
 hæc

\* Anno M CC XLVI. Henricum Thuringia Landgravium  
 in illo temporum motu conversioneque Teutonice re publica primus  
 elegit cum Archiepiscopis Moguntino, Colonienfi, & Principibus im-  
 perii officialibus, quos signat Alb. Stadenfis an. 1240: coll. cum an.  
 1246. Quod perperam & præter rationes synchronismorum Alberto II.  
 Afcanio tribuunt Fabricius in Ele& Sax. p. 16. Balb. Menciur or. Duc.  
 Sax. in eodem. Nam Stadenfis, scriptor illorum temporum, eorû  
 omni exceptione major, Henricum Landgravium anno 1246. ele-  
 git, & 1247. extinctum, tradis. Quo tempore Ducatus erat penes

Albertum I. Ascanium primum anno 1260. mortuum, ut consentiunt scriptores rerum Ascaniarum. Electionis autem ad paucos atq; imperii officiales redacta, & una legitima turbarumq; expertis, & post Rudolphi Caesaris diplomate firmata munus primò administravit Albertus II. vel idè memorandus, quòd cum ceteris Principibus profana jura designandi suffragio imperatoris recens adeptis, filiam ejus connubio jungendam pacisceretur, ut colligitur ex Alberto Argentinensi Chron. pag. 100. Equidem tradit Alb. Cranzius lib. 9. Sax. cap. 19. neminem inter Duces Saxoniz elegisse (imperatores) ante Rudolphum (Saxo. Ascanium, ejus nominis in hac serie I.) attributam eam dignitatem (Electatus Saxonici) Quod multò aliter se habet, certuq; documentis liquet, Rudolphum Austriaco-Habsburgium ab Alberto II. \* electum fuisse. Testis enim est Albertus Argentinensis, Rudolphi Caesaris electioni interfuisse Ducem Saxoniam. Atqui u erat Albertus II. quoniam Rudolfus ne quidem elegit Guntherum Svarzburgicum, quippe qui ab Erico ejus fratrueli electus fuit, Argentin. p. 100. & 150. collat. Neque certius est, quòd scribit Cranzius ibidem, Archiepiscopos longo tempore non evocasse Principes seculares. Confer. Conradus Episcopus Chron. pag. 575. Quamquam enim fateor, auctoritate præcipua polluisse Archiepiscopos, inprimis Moguntinum & Coloniensem (hunc enim Paris sacri imperii Protocancellarium nominavit) illum verò tanquam Germania Archicancellarium, \* ratione cujus dignitatis munere convocandi fungitur, atque eo jam diu ante, quàm electio ad septem Principes redigeretur, functus certè est, auctore Frisingense de gest. Frid. I. cap. 16. Ut non satùs faciat Melchior Gollastus rer. Alemann. Tom. 2. part. 1. p. 4. dum existimat, illud Archicancellarii, sive ut antiquitus dictum est, Archiepiscollani munus primum per sanctionem Karolinam, sive Auream Bullam Archiepiscopo Moguntino proprium esse factum. Etenim non est simile verò, Archiepiscopos, licet præpollenti auctoritate præditos, non evocasse imperii officiales, tanquam inter seculares prærogativà officiorum imperii maximè conspi-

\*  
 Vet. Chron.  
 Sax. an. 1273.

\* Erat illo tempore eruditio exiguis monasteriorum finibus comprehensa atque conclusa, ut soli Clerici intelligerent literas atque reipublicæ instituta, & idonei sanè es-

sent administrandis togæ officiis, & fungi duntaxat possent munere Cancellariorum. de quibus etiam Lotharius I. Imp. sanxit in Capitulari, in curia (curte) Olonna promulgato, quòd superiori anno M DC LXXV. à Carolo Dato Florentiz erutum, brevi à Stephano Baluzio, viro in rebus Carolingicis versatissimo illustrabitur.

eius. Propterea non ignotum huius rei fuit Pontifex Innocentius IV. cum electionem Casarem decreto publico, quod tamen rejectum est, ad septem Principes redacturus, cum primis Bavarum & Saxonum nominasset, Mattheus Paris an. 1245. Neque aliam ob causam improbatam est electio Wilhelmi Hollandi, quam quod in ejus partem non venissent Bavarus & Saxo, quibus non tam propter Palatinatum (Rhenensem & Saxonum) quam propter ducatum Bavariae & Saxoniae eligendi primò est acquisitum, si diploma an. 1275. Augusta 15. Maj. promulgatum veris rationibus atque argumentis asimatur. Constat enim utrumque palatinatum Ducatibus, jam tum iure eligendi praeiis accessisse, eoque accuratè discernendos esse, cum de ultima septemviralis suffragii origine quaestio instituitur. Verum enimverò pleraque Alberti II. Afcanii, ad quem praeipue hac animadversio pertinet, diplomata manuscripta venerunt in manus meas, quibus & curia usus, & socii ejus indoles possunt ostendi. Certè diu ante saxum hoc voluerat Pontifex, ut Electores sua duntaxat auctoritate arbitrioque instituerentur: at resisterunt invicta constantia Principes, ut liquet ex actis Concilii Lugdunensis an. 1245. Neminem enim latent molitiones Gregorii IX. apud Albertum Stadensem an. 1240. Innocentii IV. apud Monachum Paduanum Chron. lib. 2. p. 591.

hæc daret auspicia, & permetteret Helenæ conjugii, ut strueret Franciscanis templum, & consecraret religionibus, & sepulchro designaret locum. Nihilò secius Albertus II. honorem atque salutem imperii tutatus est, & quatuor Cæsares Rodolfum Habsburgium, Adolfum Nassovium, Albertum Austrium atque Henricum Luzelburgicum suffragio suo ornavit,

vit, & primò omnium dignitatis septemviri ro-  
bur firmamentumq; in tabulis Cœfareis ha-  
buit. Præterea novum atqve summum de-  
cus Saxoniae adjecit, & Palatinum, quem à  
Saxonia Cisvelerana abalienaverat Ænobar-  
bus, feliciter recuperavit, atqve cum Burggra-  
viatu Magdeburgico, qvî tunc apud Schrape-  
lanam gentem esse desiit, instituto Rudolphi Cæ-  
saris, cujus gener erat, conjunxit, & postquam  
tot atqve tantas res ex animi sententia confe-  
cerat, in Franciscano, qvò dicitur, monaste-  
rio à matre condito, primus inter Duces Saxo-  
nicos Septemviri jure præditos tumulo illatus  
fuit. Rudolphus I. & II. auctoritate sua Caroli  
IV. imperium firmarunt, & mores atqve disci-  
plinam Saxoniae legibus emendarunt, ac fidem  
atqve diligentiam Imperatori sic probarunt, ut  
cum multis monumentis commendata sint,  
tum publicis Caroli IV. tabulis, quæ etiam-  
num in arce hujus oppidi superant, nota testa-  
taqve redderentur. Inprimis Rudolphus II.  
de posteris bene est meritus, & pari cura rem-

*Vet. Chron.*  
*Saxo. p. 347.*  
*369. 376. ex eo-*  
*que Chron.*  
*Brunsvicensis*  
*H. Bunting. p.*  
*248. 250. conf.*  
*Spalatin. chr.*  
*pag. 42. Men-*  
*zium in Ru-*  
*dolf. II.*

publicam, & ritus ceremoniasque majorum,  
 curavit, ac rectissimâ voluntate primarii tem-  
 pli fundamenta hic jecit, & ratione atque vir-  
 tutibus optimis iter ad gloriam est ingressus.  
 Eandem laudem & comparavit sibi & servavit  
 VVenceslaus, \*\* titulumque novi accessione,  
 tituli auctum usurpavit, & jus atque dignitatem  
 Ducatus Luneburgici armis asseruit, propterea  
 quòd is à Carolo IV. Imper. Alberto Ascanio,  
 Ottonis filio, \* nec multò post ejus. Patrueli  
 Rudolfo II. fratri uterino VVenceslai, le-  
 ge beneficiariâ impertitus, & siquidem iste  
 sine liberis fortè decederet, hic in succedendi  
 jure confirmatus fuisset. Sed posteaquam  
 hic multis casibus defunctus, & diu multum-  
 que in castris versatus, telo ictus paulò post  
 diem obiit, Rudolfum III. atque Albertum III.  
 magni animi consiliiqve Principes in Ducatu  
 Saxonie ac Septemviratu successores habuit,

led

\*\* *Tabula ejus, in quibus scribitur Angria, Westphalia Sa-*  
*xonia & Luneburgi Dux, hæc sunt inedita, constatq; mihi ex di-*  
*plomatũ sequiorum temporum Ascanios adhuc XV. seculo stirpi ipso-*  
*rum fatali, eum titulum servasse, ut vidi in membranũ Rudolfi II.*  
*Et si mortuo Wenceslao Duce atq; Electore, Ducatus ille in solidum re-*  
*petitus, atq; jure belli à Friderico & Henrico Ducibus vindicatus fuit.*  
*Bunt. Chr. Brunf. pag. 263.*



sed illi liberos aut morbus, aut casus eripuit,  
 huic sterile matrimonium contigit, demùm  
 pari uterqve pompâ, alius post alium compo-  
 siti hic, cineres atqve ossa sua VVittebergæ re-  
 liquerunt, aut reddiderunt potius atqve dedi-  
 carunt. \*\*\* Vix autem Alberto III. parentatum  
 erat, qvum multi Principes spes animosqve in  
 Saxoniam convertebant, præcipuè Ericus Lau-  
 enburgicus obtendebat necessitudines, & petē-  
 do instabat, Cæsarisq; aures obtundebat, neq;  
 sic tamen voti compos est factus, propterea  
 qvod Fridericus bellicosus, Princeps qvoad vi-  
 xit, in honesta imperatoris obsequia commo-  
 daq; intentus, prensante Lauenburgico, potiôr  
 meritorû dignitate esset, qvippe qvi bello Hus-  
 tarum impensas fecerat maximas, & suscepta  
 cōtra eos expeditione, multis ac difficilibus casu-  
 bus jactatus, vitam patriæ caritati posthabue-  
 rat, ac propter pericula imperii causa adita, ci-  
 catrices atqve vulnera ad suam satisfactionem  
 non valitura esse per se ipse satis intellexerat, at-

C 3

qve

\*\*\* Balib. *Mencius syntagm. epitaphior. Witteberg. Persona in  
 laudata oratione, Georg. Fabr. in El. Saxi.*

que eò monuerat juxta & petierat , uti imperator & Principes hæc æstimarent rectè atq; considerarent labores suos, & quum eorum nomine ratio sufficientis satisfactionis constare sibi debeat, hoc duntaxat meritis suis rependerent præmium, quo apud posteritatem ab aliis, præsertim à Lauenburgico, distingveretur. Sed verò etiam magnam pecuniæ summam, quam Fridericus Septemvir Brandenburgicus in rationem induxerat, exasse reddere, atq; impendia solvere omnia, & sumtibus, quos ille in conservatione hujus castri, donec lis judicaretur, collocaverat, omninò satisfacere, & provinciam hanc, afflictam alioqvi & temporum conditione miseram, & communi imp. Sigismundi Principumq; decreto sibi jam attributam, novo suscepto onere pacisci ac redimere , priusquam traderetur, necesse habuit. Quæ dum attingo, & paulò, quàm constitueram, longiùs persequor, possem una, quod multi & graves scriptores faciunt, à vetustate stirpis atqve ultimarum necessitudinum repetere argumenta atq; idoneas ratio-

rationes, quibus & prærogativam generis, & juris Friderici demonstrarem, nisi ab hoc proposito alienum esset, atque aliàs constaret \*\*. Nunc enim breviter amo, & tantum summa laudum capita confector, nisi quod ad ejus gloriam adjicere debeo, primum fuisse, qui regionis suæ fines Academia ab se condita illustraret, & exemplo doceret, quanta ex ea commoda ornamentaq; in rempublicam proficiscerentur. Quæ famæ celebritate cum nomen consecutus esset maximum, tum apud posteros ejus recordatio valuit, & Fridericum III. Sapientem sic accendit atque inflammavit, ut in Saxoniam hoc limite \* literarum religionisq; sedem collocaret, avitæq; imitatione laudis præmia eruditæ constitueret, atque Academiam hanc quasi campum exercendæ industriæ aperiret. De quo laudabili

\*\* *Fontes juris sunt in diplomate investitura an. 1425. Buda dato: in scriptis Sigismundi imp. an. 1426: 1434. formula, sive ut dicitur, contestatione ad concilium Basileense an. 1430. Conf. Petrus Albinus Chr. Misn. Balib. Mencius & Wolfgang. Craus in Friderico bellicoso, ubi sunt exempla dicti investitura diplomatis, Ge. Spalatinus Chr. Sax. p. 35. ex JCTIS Lud. persona, And. Knieben, novissimè Johannes Stramichius diff. II. p. 322. seqq. ut non sit, cur injuriam alleget Alb. Cranzius lib. 9. Sax. cap. 19.*

\* *Saxonia primò à Carolo M. ad humanitatem mitigata, atque in dioceses Episcoporum distributa est, postea in illustri monu-*

*mentis, quæ etiamnum supersunt, & docent, ejus auspicio universam  
 illam gentem ad literas & sacra esse excitatam. Eò spectant duo ca-  
 pitularia de partibus Saxonie promulgata, quibus rem Ecclesiasticam  
 per Saxonie provincias ordinavit: nec non diploma supra à me com-  
 memoratum, quo ludum Osnabruga aperuit, ut conspectius exem-  
 plum esset, & Saxonum juventus ad religionem optimasq; artes in-  
 formaretur. Ludovicus, paterna amulus pietatis, Corbeja ad Vi-  
 surgim ornavit Saxonum studia, & instituta ibi scholâ propagavit,  
 magno rei literariae bono, propterea quod priores quinque annalium  
 Taciti libri illic reperti fuerint, perituri alioqui, nisi Monachi Bene-  
 dictini conservassent. V. Abb. Stadenf. an. 826. Henr. Meibom. præ-  
 fat. in Wicichind. Boxborn. hist. univers. pag. 467. Nec tantum  
 jurâ Ecclesiastici, sed etiam civilis ac profani cultum accepit, eamq;  
 ob causam conventus juridicus apud Visurgim monumentis Carolin-  
 gici celebratur, quem ibi Ludovicus II. Imp. habuit, legesq; Saxo-  
 num emendavit. Vid. ejus decretum an. 850. Postea Paderborna stu-  
 diis dicata est, quæ maximè floruit ævo Lotharii II. Hermanno ma-  
 gistro, cujus industriam prædicat Stadenfis, an. 1133. Nondum verò  
 tunc in Germania jus Justinianicum usutrandoque cognitum fa-  
 cit, neque Philosophia Aristotelea in Francia Saxonieq; scholis efflo-  
 ruit. Quod ut mihi persvadeam, facit auctoritas Radevici, qui  
 commemorat, Ottonem Frisingensem libros Aristotelicos in Germa-  
 niam intulisse, lib. 2. cap. 11. de gest. Frid. Quos seculo XIII. Henricus  
 Brabantinus à Thoma Aquinate rogatus, ex Græco in Latinum  
 convertit, Johani Aventinûs lib. 7. annal. Boj. p. 566. In Misnia Mer-  
 seburgum diu ante Lipsiam enituit, & antiquissimum Sallustii codi-  
 cem ab injuria temporum vindicavit, quem in pergamenis descri-  
 ptum à Georgio Fabricio accepit Johannes Rivius Attribendoriensis,  
 quem & scriptores alios Romanos Monasterium Benedictinum con-  
 servavit, quæ magna ejus ordinis laus est, quod in barbarie superso-  
 rum temporum vetustos pariter codices, atque artium studia & li-  
 berales disciplinas diligentissimè custodivit. Dehinc Lipsia doctri-  
 na sedes facta est, eò majori Misnie ornamento, quod anno supra  
 millesimum quadringentesimum nono domicilium Academiae ibi est  
 collocata. Sed nondum tunc literæ, monachorum sordibus inquini-  
 natæ, nativam faciem ostendebant, usque dum Rodolphus Langius,*

& Rodolphus Agricola, capaci ingenio Viri resflorescentes in Italia  
 Gracas Latinasque literas perciperent penitus, & in Germaniam  
 transferrent, li autem anno M CCCC LX. studiorum causa in Ita-  
 lia versati sunt, & postea reduces disparunt superiorum temporum  
 barbariem, Germaniamq; novo exemplo illustrarunt. Vid. Guilic-  
 mi Ducis Curlandia edictum in funere Henrici à Dorgelo, ubi egre-  
 gia & hac pertinentia traduntur. Dav. Cbytraw Sax. p. 80. Prese-  
 ctò meliores litera cumprimis ex Monasteriensis s. hola Westphalo-  
 rum \* allata sunt in Misnia, propterea quòd Johannes Ruvius, Vid. Cbytr. p.  
 qui ex disciplina Rodolphi Langii in Misnia profectus, magnam ei 81. conf. Ora-  
 provincia laudem editu passim repurgatusq; scriptoribus, laudem tio Luca Bas-  
 conciliavit. Ante cum nemo in Misnia fuit, qui aut pares in opti- meisteri de  
 miu studiu progressus fecisset, aut plures ac prastantiores doctrina sua Luca Lossio,  
 alumnos atque admiratores habuisset. Quamvis Philippus Me- Urbano Rha-  
 lanchthon summam famam auctoritatemq; Vir, & Joachimus Camerarius gio & Her-  
 fere caliginem ei induxerunt. Rectè affirmat Caspar Hofmannus, manno Tuli-  
 Virum incomparabili judicio Melanchthonem studia revocasse ad chio habita.  
 fontes, & ad methodum Aristotelis facilem expeditamq; viam pri-  
 mò in Saxonia commonstrasse, in Orat. de barbarie imminente. Cujus  
 rei cum voluntas, tum facultas defuit Monachis, licet otio atq; omni-  
 um rerum copia abundantibus, quos meritò pungunt Ulricus Hutte-  
 nus, vir omni peritissimus antiquitatis, & Desiderius Erasmus satu-  
 ra ipsius precipuè delectatus, ut cum primò legeret, intelligens, valere  
 ad inertiam & pravos mores monachorum coarguendos, vice medi-  
 ci habuerit, apud Josiam Simlerum in narratione de vita Henrici  
 Bullingeri. Verum qua causa fuerit, cur Melanchthon, quem Fridericus  
 Staphylus vellicat iniquè & carpit, libros Aristotelis reduxerit in scholas,  
 ac eò invitaverit adolescentes & confirmaverit exemplo, sciunt omnes,  
 philosophiam turpi barbarie vitiatam non potuisse aliter instaurari,  
 quam ut Aristoteles nitore Graca lingua, & rerum tractatione ordi-  
 neque prastans, & in libris, ubi vitam, mores remq; publicam fingit,  
 summum apud omnes nomen consecutus, & Platonis ipsi, cum in A-  
 cademia desiderarentur, laudatus, ad usum pariter meliorem pristini-  
 umq; statum revocaretur. Neque alia mens fuit virorum  
 omni avi doctissimorum, Athenas, qui πολυμαθία τον, Ciceronis,  
 qui Principem Philosophorum nominavis, Calii lib. 23. cap. 22. Ludo-  
 vici Vivii lib. 1. de tradendis disciplinis, Desiderii Erasmi in epistola

ad Johannem Morum, qui id agnoverunt pariter, atque testimoniis  
suis comprobarunt. Ipse Augustinus lib. 8. de civ. Dei cap. 12. pra-  
clare de eo existimavit, & ingenium atque eloquentiam commenda-  
vit. quancquam imitatione Ciceronis semper Platonem excipit, non  
quia Aristoteles ingenio & rerum tractatione utilissimam Platonem  
inferior fuisset, sed quia in verbis sententiisque copiosior, amplior  
dicendi materiam sibi suppeditasset. Nemini enim non est perspe-  
ctum, de Platone, ut refert Vives, dixisse veteres, Joven si Græce lo-  
qui vellet, non aliter esse locuturum, quàm Platonem. Hinc ta-  
men ita de laude Aristotelis ac de exquisita ejus scribendi ratione de-  
strahitur: rectius enim purusque est, præterea elegans, brevis atque ac-  
curatus, & planè talis, ut philosophum utilia confectantem decet, præ-  
sertim ubi docet rhetoricen & civiles disciplinas, quibus longè vicit  
Platonem, & meruit, ut nostri superiorisque seculi sapientes verè me-  
ritos, arbitarentur, ab Aristotele hujus studii, quod postea usus  
exercitatioque adjuvant, priordia esse capienda, & antiquitatem  
elegantioresque literas, quæ omnem aetatem ornant, cum disciplinis  
bene sapienterq; conjungi, quod vel Johannes C. silius, alter Germa-  
nia Melanchthon, cujus & ipse auditor. Wittebergæ fuit, suo quemq;  
exemplo hortari potest. Inò & hujus instituti auctorem habeo at-  
que laudatorem Johannem Surmium, virum eruditione meritisque  
summum, qui primus Alsatia lumen atque ornamentum attulit, &  
Johanni Sleidano populari, & rerum optimarum socio sæpe atque  
adjutori scribenda historia rationes atque consilium suppeditavit, &  
doctrinâ industriæque suæ magnam cum primis laudem Argentorato  
conciliavit, ut eò ex omnibus terræ partibus confluerent homines, &  
Græci Latinasq; literas ex ipso discerent, atq; aliò propagarent.  
Vid. Johan. Bleydner in vita Surmi anno MDXCV. Ambergæ edita.  
Cujus cur hic meminerim, vel ea esse mihi causa potest, quod Ordini quoq;  
nostro provisum esse voluit, & ad Fridericum II. S. sapientem, Academi-  
am Witteb. conditorem, atq; literarum in Saxonia felissimum sanè  
atque benignissimum instauratorem de rebus gravibus, & ad salu-  
tem Academiæ hujus pertinentibus perscripsit, & non multo post Me-  
lanchthonem incitavit valde, atque in proposito laudabili eum con-  
firmavit. Accepi verò profecto auctoribus, Melanchthonem dicere

folio

solitum, facile sibi esse scribere epistolas ad omnes alios, ad Sturmium autem difficile. V. Bleydner d. l. Quam laudem neque ubi alii, nec Erasmo tribuebat, quem sciebat alioqui Friderico III. esse percarum, & doctrina antiquitatisq; peritissimum, ac nominabat eisdem preceptorem, vid. lib. 5. epist. Erasmi p. 251. optin. a & antiquissima editionis Frobenian. De cetero quam diligentiam adhibuerit, cum versaretur hic in emendandis literis, praeclare dudum à viris praestantissimis est consignatum, ac intelligi potest atque indicari, si Sylva Asianorum Ducum diplomatumq; hic & Praetini compositorum cum saepe ad Friderici sapientis, temporumq; Melaniboniarum comparatur. Neque hac duntaxat superior Saxonia, sed inferior quoque, & occidua cumprimis vigeat in spem ipsius adventus, cuius justificationem dabat Hermannus Antistiti Coloniensi, apud Camerar. in vit. ejus Lipsa edit. p. 217. Meliori ejus regionis fato, atque olem fuit, ubi Bruno & Poppo ob sapientiae studium, quo nullum est neque nullius, neque dignum, in sui vocati, & radi avo iniquè accusati sunt, apud D. marum Merseburg lib. 2. p. 26. edit. Maderian. Finis hic, & monito S. Basilii, cujus litione olim delectabatur Caselius, libenter acquisi. *Καὶ ποιηταῖς καὶ λογοποιοῖς καὶ ῥήτορσι καὶ πᾶσιν αἰθροῦσι οὐκ ἔστιν, ἵνα αὐτῶν μὴ πρὸς τὴν τῆς ψυχῆς ἐπιμέλειαν ὡς ἐλευθερίας ἐσθλάται.*

bili instituto nil mutavere successores, & similem plane voluntatem atque studium ad ornandam Academiam, amplificandasq; fortunas attulerunt. Cumq; postea bello Smalcaldico, & vehementibus perniciosissq; dissiidiis Academiae rationes conturbatae essent, DEUS immortalis afflatu suo excitavit Augustum, qui & Academiam prope everfam instauraret, & sacra à majoribus emendata confer-

servaret , & pro sua erga patriam charitate  
provideret, nec corruptelis depravarentur. Ne-  
que eò secius allaboravit JOHANNES GEOR-  
GIUS I. cujus quàm magnum & memorabi-  
le bello tricennali nomen , tam paterna sem-  
per propensaq; voluntas erga hanc Academiã  
fuit , ut qui oppidum hoc in ruinis jacens, vel-  
ut de integro firmaret, & vallo aggereq; com-  
muniret, atq; hoc studium, hanc diligentiam  
perpetuò adhiberet , ut tuta literis sedes hic  
præstaretur, & quod mirabitur posteritas, re-  
publica etiam afflictissima , dignitas hujus  
Academiæ conservaretur. Quem morem ex-  
emplumq; à Divo Patre traditum etiam num  
servat Potentissimus Princeps Elector JOHAN-  
NES GEORGIUS II. ac toto animo huc incum-  
bit, & vult jubetq;ve, ut quæ cum ad animæ  
salutem , tum quæ ad vitam moresq; & ve-  
ram solidamq; eruditionem pertinent , pro  
suo quisque officio doceant fideliter ac di-  
scant , præmia expectaturi , quorum fru-  
ctus magnus atq;ve luculentus est  
futurus.

